

Kukkunersuinermut ataatsimiititaliap suleriaasissaa

1. Kukkunersuinermut ataatsimiititaliap pilersinneqarnera.

Ataatsimiititaliap siunertaraa Ingerlatseqatigiiffimmi naatsorsuutitut, kukkunersuinermut isumannaallisaanermullu tunngatillugu pissutsinik, tamatumunnga ilanngullugit nakkutilliinermut aarlerinaatilinnillu aqutsinermut systeminik nakkutilliinermi siulersuisunut ikiuisarnissaq.

Kukkunersuinermut ataatsimiititaliaq siulersuisuni suliarinninnissaq sioqqullugu piareersaateqarnerinnarmik siunertaqarpoq, taamaattumillu ataatsimiititaliaq isumaliutigisaminik peqqissaartumik nassuiaateqassaaq siulersuisut suliarinninnissaannut atugassamik.

Siulersuisunik toqqaareernerup kingorna siulersuisut ataatsimiinnerminni siullermi kukkunersuinermut ataatsimiititaliamik pilersitsissapput. Taanna ukioq ataaseq atuutissaaq. Toqqagaaqqittoqarsinnaavoq.

Ataatsimiititaliami inuit marluk siulersuisunit toqqaarneqassapput siulersuisunilu ilaasortaassallutik. Minnerpaamik ilaasortaq ataaseq naatsorsuuserisarnerup imaluunniit kukkunersuisarnerup iluani immikkut piginnaasaqartuussaaq. Siulersuisuusut ilaasortat kikkussaneri toqqassavaat. Ataatsimiititaliami ilaasortat tamarmik ataatsimut isigalugit ingerlatseqatigiiffiup suliassa qarfiinut attuumassutilimmik piginnaasaqassapput.

Kukkunersuinermut ataatsimiititaliami siulittaasoq siulersuisunit toqqaarneqassaaq. Ingerlatseqatigiiffimmi Aningaasaqarnermut pisortaq ataatsimiinnerni tamatigut peqataassaaq.

Kukkunersuinermut ataatsimiititaliami ilaasortat ataatsimiititaliami sulinermut akissarsiaqartinneqarput. Ataatsimiititaliami ilaasortanik akissarsititsisarneq Naalakkersuisut akissarsiaqartitsisarneq pillugu politikkiat malillugu pisassaaq.

Kukkunersuinermut ataatsimiititaliap suleriaasissani nammineerluni suliarissavaa, taannalu siulersuisunit akuerineqassaaq.

Kukkunersuinermut ataatsimiititaliaq avataanit siunnersorneqarnissaminut pisinnaatitaavoq suliassami naammassinissaannut aammalu akisussaaffimminik pissaaffimminillu naammassinninnissaminut annertussusillimmik, soorlu aamma ataatsimiititaliaq allaffeqarfimmut paasissutissanik pisariaqartunik pissarsiniarnissaminut pisinnaatitaasoq.

1. Nalunaaruteqartarneq

Kukkunersuinermut ataatsimiititaliaq siulersuisunut attaveqartuuvoq pissutsinillu pingaarutilinnik, kukkunersuinermut ataatsimiititaliap sulinermini paasisaanik, siulersuisunut ingerlaavartumik nalunaaruteqartarluni.

2. Ataatsimiigiaqqusisarnerit

Ataatsimiititaliami siulittaasup imaluunniit ilaasortat allat pisariaqartitsinerat apeqqutaatillugu ataatsimiittoqartassaaq. Ataatsimiititaliap ukiumut pilersaarutaa naapertorlugu ukiumut sisamariarluni ataatsimiittarnissaq aallaaviusaaq.

Kukkunersuisup attuumassuteqanngitsup pisariaqartitsineq naapertorlugu ataatsimiititaliaq

ataatsimeeqatigiumasinnaavaa.

Ullormut oqaluserisassat ingerlatseqatigiiffiup ukiumut pilersaarutaa malillugu suliarineqassapput. Ilaasortat kikkulluunniit ullormut oqaluserisassanut immikkoortunik allanik siunnersuuteqarsinnaapput.

Ataatsimiinnernut atortussat kingusinnerpaamik ulloq ataatsimiiffiususaaq ullunik 14-inik sioqqullugu nassiunneqassapput allatut isumaqatigiissuteqartoqarsimangippat.

3. Ataatsimiinnerit ingerlanneqartarnerat nalunaaruteqartarnerlu

Ataatsimiititaliaq ingerlanneqarsinnaavoq ataatsimiititaliaq tamakkersimatillugu. Ataatsimiinnermut takkussinnaanngikkaanni tamanna siulittaasunut nalunaarutigineqassaaq.

Siulittaasup kukkusersiunermit ataatsimiititaliap ataatsimiinnera siulersussavaa. Ataatsimiititaliaq siulersuisunut inassuteqaatissat pillugit nalinginnaasumik taasititsinikkut aalajangiisassaaq.

Aningaasaqarnermut pisortaq ataatsimiinnerni imaqarniliortuusassaaq. Imaqarniliaq ataatsimiititaliami ilaasortanik akuersissutigineqareeraangat siulersuisunut, qullersaqarfimmut aammalu kukkusersiuisumut attuumassuteqanngitsumut ingerlateqqinneqartassaaq.

Imaqarniliat kukkusersiunermit ataatsimiititaliamut allattaavinnut immikkut ilanngunneqassapput. Imaqarniliat tulleriinneri malillugit normulersugaassapput quppernilersugaallutillu. Imaqarniliat ataatsimiititaliami ilaasortanik akuerineqartassapput.

Kukkusersiunermit ataatsimiititaliap pisariaqartitsineq naapertorlugu makku ataatsimeeqatigiumasinnaavai: aningaasaqarnermut pisortaq, pisortaqatigiinni ilaasortat allat imaluunniit naatsorsuuserinerup, nakkutilliinnermut imaluunniit aarlerinaateqarsinnaasunik aqutsinerup iluani sulisut pingaarutillit.

Kukkusersiuisoq arlaannaanulluunniit attuumassuteqanngitsoq ukiumoortumik nalunaarusiap suliarineqarneranut tamatumalu saniatigut pisariaqartitsineq naapertorlugu kukkusersiunermit ataatsimiititaliap ataatsimiinnerini peqataasassaaq.

Ataatsimiinnermi ukiumoortumik nalunaarusiap misissorneqarfiani (Q1-imi ataatsimiinneq) pisortaaneq peqataasassaaq pisortaqatigiillu sinneri assigalugit pisariaqartitsineq naapertorlugu ataatsimeeqatigineqartassalluni.

4. Kukkusersiunermit ataatsimiititaliap suliassai

Kukkusersiunermit ataatsimiititaliaq suliassaminut pilersarusiussaaq. Ataatsimiititaliamut ilaasortassanik toqqaasoqareernerani ataatsimiinnermi siullermi suliassanut pilersaarut inissinneqassaaq ukiorlu ataaseq atuutissalluni. Ukiup ingerlanerani pisariaqartitsineq apeqqutaatillugu nutarterneqartarsinnaasassaaq.

Ataatsimiititaliap pingaarnertut suliassai:

- Inatsisitigut pisussaaffigineqartumik kukkusersiunerup inerneranik siulersuisunut ilisimatitsinissaaq, tassunga ilanngullugu naatsorsuutiniq saqqummiussinerup ingerlanneqarneranut atatillugu.
- Naatsorsuutiniq saqqummiussinerup ingerlanneqarnerata nakkutiginnissaa naatsorsuutinillu saqqummiussinerup ingerlanneqarnerata innarligassaanninnissaa qulakkeerniarlugu

- piumasaqaatinik siunnersuutinilluunniit saqqummiussinissaq.
- Ingerlatseqatigiiffiup iluani nakkutilliinermut aaqqissuussinerit aarlerinaateqarsinnaasunillu aqutsinermut aaqqissuussinerit suliffeqarfimmi naatsorsuutininik saqqummiussinissamut tunngatillugu ingerlalluarnernik nakkutiginninneq, arlaannaanulluunniit atassuseqannginneranik innarliinngitsumik.
 - Ukiumoortumik naatsorsuutit allallu inatsisitigut pisussaaffigisamik kukkunerisiorneqarnerinik nakkutiginninneq, kukkunerisuisutut suliffeqarfiup pitsaassutsikkut nakkutilliiffiqarneq kingulleq isiginiarneqartussaammat.
 - Kukkunerisuisup avataaneersup arlaannaanulluunniit attuumassuteqannginneranik nakkutilliineq nakkutiginninnerlu kukkunerisuisullu kukkunerisuiunerup saniatigut allanik tunniussaqaarneranik akuersissuteqarneq.
 - Kukkunerisuisumik toqqaanissamut toqqartuinissamik inassuteqaateqarnissamillu suliaqarnerup akisussaaffiginera. Kukkunerisuiinermut ataatsimiititaliap suliassai allat:
- Aningaasaqarneq pillugu nalunaaruteqarneq:
 - Aningaasaqarneq pillugu nalunaaruteqarnerup aningaasaqarnermullu paasissutissat allat ukiumoortumik nalunaarusiamiittut, ukiup ilaanut nalunaarusianiittut, suliniutinullu pilersaarusianiittut allallu aamma/imaluunniit allatigut aningaasaqarneq pillugu nalunaaruteqarnerit, suliffeqarfiup avammut nassiussaaniittut nakkutiginnissaat kiisalu paasissutissat tamarmiusut avammut saqqummiunneqartut imaluunniit pisortani oqartussaasunut nassiunneqartut nalilersornissaat, tassungalu ilanngullugit:
 - Suliassaqaarfinni pingaarnersuni naatsorsuuseriaatsimik aamma tamatuma naleqquttuuneranik kiisalu naatsorsuueriaatsinik nalilersuerialaatsinillu, annertuumik nalinginnaanngitsumillu nuussinerni atorneqartartunik, nakkutiginninneq, naatsorsuutitigut suliarinninnermi naatsorsuuserieriaaseq alla tunngavigineqarsimappat.
 - Naatsorsuutitigut missiliuussinernik pingaarutilinnik, taakkunanilu allannguutininik kiisalu tamatumunnga tunngavigisamik, piumasaqaatinik takussutissiorneqarnerinillu nakkutiginninneq.
 - Naatsorsuutininik saqqummiussinermut atatillugu nalorninartunik aarlerinaateqarsinnaasunillu nakkutiginninneq, tamatumunnga ilanngullugit ukiumi naatsorsuuseriffiusumi atuuttumi naatsorsuutigisanut atassuteqartumik.
 - Illuatungeriinnut qanittumik suleqatigisanut nuussinernik nakkutiginninneq tamatuminngalu aningaasaqarneq pillugu nalunaaruteqarnermi saqqummiussineq.
 - Siulersuisut naatsorsuutininik saqqummiussinerup ingerlatsinerup ingerlaannarnissaanut tunngavissaqaarnera aallaavigalugu (going concern-imik piumasaqaat) immikkullu piumasaqaataasinnaasut tamatumunnga tunngavigineqartut ilanngullugit kiisalu tamatumunnga atassuteqartumik nalorninartoqarsimaneranik suliarinninnissaannut isummerfiginninnissaannullu piareersaateqarneq.
 - Suliffeqarfiup siunissamut naatsorsuutigisaanik (guidance) kiisalu tamatumunnga tunngavigisamik, nalorninaatilinnik aarlerinaatilinnillu nakkutiginninneq.
 - Suliffeqarfiup akileraartarnermut politikianik nakkutiginninneq.

- Suliffeqarfiup ESG pillugu nalunaaruteqartarneranik, ingerlatseqatigiiffimmik ingerlatsilluarnermik, suliffeqarfiup iluani nakkutilliinermik, suaassutsip ikinnerussuteqartup amerlassusissaanut anguniakkanik paasissutissanillu inatsisitigut piunasaqaatigineqartunik aqutsisut nalunaarutaanni imaluunniit ingerlatseqatigiiffiup nittartagaani saqqummiunneqartunik nakkutiginninneq.
 - Maleruagassanik allanik imaluunniit isumaqatigiissutinik aningaasaliinermut tunngasunik, suliffeqarfimmut atuutsinneqartunik eqquutsitsisoqarneranik nakkutiginninneq.
 - Kukkunersuineriut ataatsimiititaliap ukiumoortumik aamma ukiup affaanut siullermut nalunaarusianik suliarinninneranut atatillugu ingerlatai pillugit siulersuisunut nalunaaruteqartarneq kiisalu covenant pillugu nalunaarusianik aningaaserivinnut nalunaaruteqartarneq.
- Suliffeqarfiup iluani nakkutilliinermut aqqissuussineq aamma aarlerinaatilinnik aqutsinermut aqqissuussinerit:
 - Suliffeqarfiup iluani nakkutilliinermut aqqissuussinernik aamma aarlerinaatilinnik aqutsinermut aqqissuussinernik, aqutsisut tamakkununga politikkiinik najoqqutassiaannillu, kiisalu taakku nakkutigineqarnerinik ukiumut ikinnerpaamik ataasiarluni misissuisarnissaq nalilersuisarnissarlu, nakkutilliinerit sunnuteqassusiannik naleqquttuunerannillu aamma/imaluunniit sanngeequtaasinnaasunik nalilersuinissaq siunertaralugu, tamatumunngalu ilanngullugit:
 - Suliffeqarfiup peqquserlunnerit pitsaalioneqarnerinut, paasineqarnissaanut nalunaarutiginissaanullu suleriaasissaanik nakkutiginninneq.
 - Peqquserlunneriut atassuteqartumik suliffeqarfiup iluani nakkutilliinermi amigaatit, sanngeequtaasut allallu iluarsineqarnissaat siunertaralugu siulersuisunut inassuteqaatinik saqqummiussinissaq ingerlatseqatigiiffiup peqquserlunnernik pitsaaliuinerata paasisaqarnissaatalu nukittorsarneqarnissaa siunertaralugu.
 - Suliffeqarfiup aqqissugaanerani naatsorsuuserinermilu suliaqarfinni akisussaaffiit agguataarneri amigaateqartoqarneranik imaluunniit pitsanngorsagassaqaarneranik naliliisoqassagaluarpat piunasaqaatinik siunnersuutinilluunniit ikiuutaasinnaasunik suliaqarneq.
 - Nakkutilliinermut aqqissuussinerit aarlerinaatilinnillu aqutsinermut aqqissuussinerit sunnuteqarluartumik naleqquttumillu ingerlanerannut paasissutissanik pisortaqaatigiinnut piniarneq.
 - Suliffeqarfiup iluani nakkutilliinermut aqqissuussinerni aarlerinaatilinnillu aqutsinermut aqqissuussinerni amigaatit sanngeequtaasullu pillugit kukkunersuisumik oqaloqateqarneq.
 - Aqutsisut nalunaarutaanni imaluunniit nittartakkami nassuiaammik nakkutiginninneq, suliffeqarfiup iluani nakkutilliinermut aqqissuussinerit aarlerinaatilinnillu aqutsinermut aqqissuussinerit imarisaannut pingaarnernut tunngatillugu.

Kukkunersuinermut ataatsimiititaliaq ukiumut ataasiarluni ataatsimiititaliap siunertaa, pisussaaffii aammalu akisussaaffii, kiisalu kukkunersuinermut ataatsimiititaliaq pillugu siulersuisut najoqqutassiaanni allassimasut naammassisimanerlugit imminut naliliiffigisassaaq.

6. Nalileeqqinneq

Ataatsimiititaliap pisariaqartitsineq naapertorlugu ukiumut minnerpaamik ataasiarluni suleriaasissaq una nalilersoqqittassavaa.

Siulersuisut juunip 7-iani 2023-mi ataatsimiinneranni akuerineqarpoq